

La BCG sustegna il center GIUVAULTA

En num da sias collavuraturas e ses collavurats regala la BCG 10'000 francs

Cuira, ils 20 da november 2019 – Per la 12avla giada ha la Banca Chantunala Grischuna (BCG) realisà sia acziun d'advent a favur d'ina organisaziun d'utilitad publica. Las collavuraturas ed ils collavurats da la BCG han decis da regalar al Center per pedagogia speziala GIUVAULTA a Rothenbrunnen 10'000 francs or dal fond da contribuziun BCG.

Hubert Kempter, il directur dal Center per pedagogia speziala GIUVAULTA, ha grond plaschair da la donaziun da la BCG: «Daners da donaziuns èn per nus 'il sal en la schuppa'. Bliers projects, cumpras spezialas, pitschens e gronds giavischs na pon betg vegnir finanziads cun ils daners dal maun public. Per pussibilitar talas investiziuns duvrain nus ils daners da donaziun che nus retschavain. La donaziun da la BCG vegnin nus ad impunder per cumpletar ed engrondir nossa plazza da giugar e da raiver dasper l'internat.» Il center GIUVAULTA promova ed accumpogna uffants, giuvens e creschids cun in impediment spiertal e corporal ed umans cun fermes impediments dals senns e grevs disturbis da percepziun. Las scolass spezialas a Rothenbrunnen, Zernez, Puntraschigna e Roveredo e l'internat a Rothenbrunnen han ina spierta cumplexiva e multifara. Ultra da quai accumpogna il center GIUVAULTA passa 100 uffants che visitan en il rom da la scolaziun speziala integrada la scola en lur vitg. En pli maina il center tschintg gruppas d'abitar.

Cun ses fond da contribuziun s'engascha la BCG per la regiun e surpiglia responsabladad sociala. Ella promova e sustegna cun var dus milliuns francs ad onn projects nuncommerzials en e per il Grischun, e quai en ils secturs cultura, fatgs socials, sport, economia/turissem ed ambient. L'onn da giubileum 2020 rinforza la banca ses engaschi cun il project [BCG FORZA](#).

Infurmaziuns davart il Center per pedagogia speziala [GIUVAULTA](#) ed il [fond da contribuziun BCG](#).

Contact per ils collavurats da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Nadja Maurer, nadja.maurer@gkb.ch, telefon +41 81 256 88 01

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 999 collavuraturas e collavurats (stadi dals 30-06-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaint semestral preschenta ella cun ina summa da bilantscha da CHF 26,6 milliardas in gudogn dal concern da CHF 100,5 milliuns. Il scrit da participaziun BCG è quòta a la bursa dapi ils 10 da settember 1985.

Termins

Quint annual 2019: 7 da favrer 2020

Radunanza dals participants: 25 d'avrigl 2020
